

LICENCË PËR FURNIZIM/TREGTI ME ENERGJI ELEKTRIKE

DHËNË:

"HOLDING SLOVENSKE ELEKTRANE" d.o.o

Numri i Regjistrimit:

ZRRE_Li_18/06

PASQYRA E PËRMBAJTËS

PJESA I TERMAT E LICENCËS	3
PJESA II KUSHTET E LICENCËS.....	4
Neni 1: Përkufizimet dhe Interpretimet	4
Neni 2: Llogaritë e Ndara për Biznesin e Tregtisë , Furnizimit dhe Biznesin e Tregtisë Ndër-kufitare	6
Neni 3: Ndalimi i Subvencioneve dhe Ndër-subvencioneve	7
Neni 4: Ndalimi i Diskriminimit.....	7
Neni 5: Pajtueshmëria me Kodin e Shpërndarjes, Kodin e Rrjetit Elektrik, Kodin Matës, dhe Rregullin për Kushtet e Përgjithshme të Furnizimit me Energji	7
Neni 6: Mbrojtja dhe Siguria	7
Neni 7: Standardet e Përgjithshme dhe Minimale të Përmbushjes.....	
Neni 8: Procedurat për Zbulimin dhe Parandalimin e Vjedhjeve, Dëmtimeve..... dhe Ndërhyrjeve në Njehsor	9
Neni 9: Rregullat e Tregut	10
Neni 10: Shëndeti dhe Siguria	10
Neni 11: Puna.....	10
Neni 12: Ndryshimi në Kontrollin e të Licencuarit	10
Neni 13: Sigurimi i Informacioneve ndaj ZRRE-së	10
Neni 14: Arsyet për Përfundimin, Tërheqjen dhe Modifikimin e Licencës.....	11
Neni 15: Taksat.....	16
Neni 16: Masat dhe Gjobat Administrative	12
Neni 17: Zgjidhja e Kontesteve	13

Shtojca 1- Të dhëna mbi burimet materiale poseduese

PJESA I: TERMAT E LICENCËS

1. **Zyra e Rregullatorit për Energji (tani e tutje "ZRRE")**, në ushtrim të autoritetit të dhënë prej Neneve 15.2(a), 28.2 (f) dhe 37 të Ligjit mbi Rregullatorin e Energjisë (2004/9), Nenit 16.2 të Ligjit mbi Energjinë (Ligji 2004/8) dhe Nenet 23, 36 dhe 37 të Ligjit mbi Energjinë Elektrike (2004/10) me anë të kësaj i lëshon **“Holding Slovene Elektrane” d.o.o (“HSE”)**, (tani e tutje “i Licencuari”) **licencën për furnizim/tregtimin e energjisë elektrike**, subjekt i Neneve dhe Kushteve të dhëna në Pjesën II.
2. Territori i mbuluar nga kjo Licencë është Kosova sipas Rezolutës 1244 (1999) të Këshillit të Sigurimit të KB (Kombeve të Bashkuara) (tani e tutje “Territor”).
3. Licenca lëshohet për blerjen e kapaciteteve të energjisë elektrike mbi 100 MW por më e vogël se 400 MW.
4. I Licencuari do të lejohet që të:
 - a) shes kapacitete dhe energji elektrike konsumatorëve të privilegjuar me çmime të parregulluar;
 - b) blej kapacitete dhe energji elektrike nga prodhuesit me çmime të parregulluara;
 - c) blej dhe shes kapacitete dhe energji elektrike nga tregtarë tjerë me çmime të parregulluara;
 - d) blej kapacitete dhe energji nga furnizuesi publik me çmim të rregulluar nëse kërkesa e konsumatorit është reduktuar nën kapacitetin e kontraktuar;
 - e) shes kapacitetet dhe energjinë elektrike furnizuesit publik me çmim të rregulluar;
 - f) importoj , eksportoj dhe kalim transit të kapaciteteve dhe energjisë elektrike;
 - g) faturoj dhe mbledh pagesat për prodhuesit, konsumatorët e privilegjuar dhe tregtarët;
 - h) merret me ankesat e konsumatorëve të vet.
5. Para se i Licencuari të kyçet në ndonjë nga funksionet e furnizimit të parapara me Nenin 4, i Licencuari duhet ta regjistroj atë aktivitet e sipas Nenit 30 të Ligjit për Rregullatorin e Energjisë dhe Rregullores së UNMIK-ut Nr.2001/6 për Shoqëritë Tregtare dhe ti dorëzojë ZRRE-së dokumentin relevant të regjistrimit.
6. Nenet dhe Kushtet e kësaj licence ju nënshtrohen ndryshimit(modifikimit) ose përfundimit apo tërheqjes në përputhje me termat e tyre dhe me Nenet 35, 36, 37 dhe 39 të Rregullit mbi Licencimin e Aktiviteteve të Energjisë në Kosovë.
7. Kjo licencë do të hyjë në fuqi më 30 Tetor 2006 dhe, përveçse në rast se tërhiqet, do të vazhdoj të jetë e vlefshme për një periudhë prej dy (2) vitesh deri 30 Tetor 2008 me mundësi vazhdimi në përputhje me Rregullin për Licencimin e Aktiviteteve të Energjisë në Kosovë.

Vulosur me vulën e rëndomtë të Zyrës së Rregullatorit për Energji më:_____ .

Nënshkruar (në emër të Bordit të ZRRE-së)_____

PJESA II: KUSHTET E LICENCËS

Neni 1. Përkufizimet dhe Interpretimet

1. Për qëllim të kësaj licence, termet dhe shprehjet e dhëna më poshtë do të kenë këtë kuptim:

"Anëtar" nënkupton në marrëdhënie të drejtpërdrejt ose indirekte me të Licencuarin, çdo Kompani Aksionare apo Vartës i të Licencuarit, apo ndonjë vartës të një Kompanie Aksionare të të Licencuarit, në secilin rast brenda kuptimit të legjislacionit të aplikueshëm në Kosovë.

"Tregti Ndër Kufitare" nënkupton veprimtarinë e të Licencuarit dhe çdo Vartësi apo ndërmarrje që lidhet me të Licencuarin për import apo eksport të kapaciteteve apo energjisë elektrike që bëhet sipas termave të kësaj licence, si dhe aktivitetet që lidhet me faturimin, grumbullimin apo me shërbimin e konsumatorëve.

"Kodi i Shpërndarjes" nënkupton grumbull rregullash teknike të lëshuara nga Operatori i Sistemit të Transmisionit, aprovuar nga ZRRE-ja, sipas Nenit 15.2 (i) të Ligjit mbi Rregullatorin e Energjisë.

"Sistemi i Shpërndarjes " ka kuptimin siç është dhënë në Nenin 3 të Ligjit mbi Energjinë Elektrike.

"Operatori i Sistemit të Shpërndarjes " ka kuptimin siç është dhënë në Nenin 3 të Ligjit mbi Energjinë Elektrike.

"Ndërmarrje për energjinë elektrike" ka kuptimin e dhënë sipas Nenit 3 të Ligjit mbi Energjinë Elektrike.

"Konsumator i Privilegjuar" ka kuptimin e dhënë sipas Nenit 3 të Ligjit mbi Energjinë Elektrike.

"Viti financiar" është periudha prej 1 Janarit deri me 31 Dhjetor të të njëjtit vit kalendarik.

"Kodi i Rrjetit Elektrik" nënkupton grumbull rregullash teknike të lëshuara nga Operatori i Sistemit të Transmisionit sipas Ligjit të Energjise Elektrike aprovuar nga ZRRE-ja, sipas Nenit 15.2 (i) të Ligjit mbi Rregullatorin e Energjisë.

"Kompani Aksionare" nënkupton çdo kompani që definohet si e tillë sipas legjislacionit të aplikueshëm në Kosovë.

"Legjislacion" nënkupton Ligjin mbi Energjinë (2004/8), Ligjin mbi Rregullatorin e Energjisë (2004/9), Ligjin mbi Energjinë Elektrike (2004/10) dhe legjislacionin tjetër parësor ose dytësor të nxjerrë për të ekzekutuar legjislacionin parësor në rregullimin e sektorit të energjisë.

"Operatori i Tregut" nënkupton një person ligjor përgjegjës për organizim dhe administrim të tregtimit të energjisë elektrike dhe rregullimin e pagesave në mes të gjeneratorëve, furnizuesve, dhe konsumatorëve.

"Rregullat e Tregut" nënkuptojnë grup rregullash të miratuara nga ZRRE që udhëheqin tregtinë

e energjisë midis Operatorit të Tregut dhe ndërmarrjeve tjera të energjisë elektrike, si dhe bashkëveprimet midis këtyre palëve dhe Operatorit të Sistemit të Transmisionit, me qëllim të mirëmbajtjes së balancës fizike të tregut Kjo përfshinë çdo marrëveshje kalimtare mbi tregtimin që do të mund të aprovohej nga ZRRE-ja.

"Kodi Matës" nënkupton grumbull rregullash teknike të lëshuara nga Operatori i Sistemit të Transmisionit sipas Ligjit të Energjisë Elektrike aprovuar nga ZRRE-ja, sipas Nenit 15.2 (i) të Ligjit mbi Rregullatorin e Energjisë.

"Konsumatorë i rregulluar (tarifor)" nënkupton konsumatorin i cili është i obliguar të blejë energji nga Furnizuesi Publik.

"Marrëveshje për Blerje të Energjisë" nënkupton marrëveshjen që referohet në Nenin 21.3 të Ligjit për Energji Elektrike.

"Furnizues Publik" nënkupton personin juridik të licencuar të ushtrij veprimtarinë për furnizim me energji elektrike në Kosovë, sipas Nenit 21 të Ligjit mbi Energjinë Elektrike.

"Vartës" nënkupton çdo kompani në pronësi apo e kontrolluar nga një kompani tjetër, e që definohet sipas legjislacionit të aplikueshëm në Kosovë.

"Furnizues" nënkupton person juridik të licencuar për të furnizuar me energji elektrike sipas Nenit 20 të Ligjit mbi Energjinë Elektrike.

"Furnizim" ka kuptimin të dhënë në Nenin 3 të Ligjit mbi Energjinë Elektrike

"Tregtar" është person juridik i licencuar për tregtim me energji elektrike sipas Nenit 23 të Ligjit mbi Energjinë Elektrike.

"Tregti" nënkupton veprimtarinë e të Licencuarit apo Vartësi apo ndërmarrje të afërt me të Licencuarin si Tregtar e në përputhje me Pjesën I, Nenit 4 të kësaj licence.

"Sistemi i Transmisionit " nënkupton sistemin e transmisionit, sipas Nenin 3 të Ligjit mbi Energjinë Elektrike;

"Operatori i Sistemit të Transmisionit" nënkupton Operatorin e Sistemit të Transmisionit, sipas Nenit 3 të Ligjit mbi Energjinë Elektrike;

2. Termet e përdorur në këtë licencë do të kenë të njëjtin kuptim si termet e përdorur në Legjislacion.
3. Duke iu referuar paragrafit 2, çdo modifikim ose ri-dekretim (rishpallje) i legjislacionit që bëhet pas datës së hyrjes në fuqi të kësaj licence do të aplikohet.
4. Përveç nëse specifikohet ndryshe:
 - a) çdo referencë në një Nen të numëruar ose në një Shtojcë të numëruar, është respektivisht një referencë në Nenin ose Shtojcën që mbanë atë numër në këtë licencë;
 - b) çdo referencë në paragrafët e numëruar është referencë në paragrafin që e mbanë atë

numër në Nenin ose në Shtojcën ku shfaqet referenca.

5. Titulli ose tema e ndonjë Pjese, Neni, Shtojce apo paragrafi nuk do të ndikojnë në kuptimin e saj.
6. Kur të Licencuarit i imponohet për të kryer një detyrim brenda një afati të specifikuar, ai detyrim duhet të vazhdojë të jetë detyrues dhe në fuqi edhe pas atij afati kohor, pa marrë parasysh masat administrative dhe gjobat që mund të vendosen kundër të Licencuarit, nëse ky i fundit nuk arrin të kryejë aktivitetin e duhur brenda afatit kohor..
7. Dispozitat e paragrafit 6 do të aplikohen në çdo dokument që do të paraqitet ose , udhëzimi, njoftimi dhe shërbimi që duhet të kryhet sipas kësaj licence dhe udhëzimeve të lëshuara prej ZRRE-së.

Neni 2: Llogaritë e Ndara për Biznesin e Tregtisë , Furnizimit dhe Biznesin e Tregtisë Ndërkufitare

1. I Licencuari do të përgatisë kontabilitetet vjetore rregullative në përputhje me Udhëzimet Rregullative për Kontabilitetin, nxjerrë nga ZRRE-ja dhe do t'i dorëzojë ZRRE-së një kopje të kontabilitetit vjetor të audituar përgatitur sa më shpejt që është e mundur, dhe i cili duhet të dorëzohet brenda tre (3) muajve, pas përfundimit të periudhës financiare që lidhet me kontabiliteti.
2. I Licencuari do të mbajë, në kontabilitetin e vet të brendshëm, kontabilitet të veçantë për aktivitetin e Furnizuesit , Tregtisë dhe Tregtisë Ndër Kufitare të cilat kur kërkohet kohë pas kohe nga ZRRE-ja, duhet të dërgohen në formën dhe kohën e përcaktuar nga ZRRE-ja. Kontabilitetet rregullative duhet të jenë në përputhje me Udhëzimet Rregullative për Kontabilitet ashtu siç mund të nxirren kohë pas kohe nga ZRRE-ja.
3. Udhëzimet Rregullative për Kontabilitet ose udhëzimet që ZRRE-ja i njofton të Licencuarit sipas paragrafit 2, ndër të tjerash mund të:
 - a) specifikojnë formën e deklaratave/regjistrave rregullativ të kontabilitetit, duke përfshirë, por duke mos u kufizuar vetëm nga llogaritë e fitimeve dhe humbjeve, bilancet, fitimet e njohura dhe deklaratat e humbjeve, rrjedhjen e parave të gatshme dhe deklaratat për shumatat e të ardhurave vjetore, kostove, aseteve, borxheve, rezervave ose furnizimeve, të cilat janë tarifuar nga ndonjë biznes tjetër, ose janë përcaktuar nga alokimi ose shpërndarja midis bizneseve të Furnizimit , Tregtimit dhe bizneseve të Tregtimit Ndërkufitare dhe bizneseve të tjera.
 - b) të specifikojë natyrën dhe përmbajtjen e deklaratave/regjistrave rregullativ të kontabilitetit, duke përfshirë informacione mbi lloje të specifikuara të të ardhurave vjetore, shpenzimeve, aseteve ose borxheve, dhe informacione mbi të ardhurat vjetore, asetet, shpenzimet dhe borxhet nga aktivitetet e specifikuara;
 - c) të specifikojë parimet e kontabilitetit rregullativ (duke përfshirë bazat për alokimin e shpenzimeve).
4. Në lidhje me deklaratat e kontabilitetit rregullativ për sa i përket vitit financiar, i Licencuari nuk do të ndryshojë bazat e tarifimit, shpërndarjes ose alokimit që janë përdorur në vitin financiar paraprak, përveçse nëse ZRRE-ja nxjerr më parë udhëzimet për qëllimet e këtij Neni, ku i drejtohet të Licencuarit që të ndryshojë këto baza sipas mënyrës së përcaktuar në

udhëzim, ose nëse ZRRE-ja jep paraprakisht aprovimin me shkrim për ndryshimin e këtyre bazave.

5. I Licencuari do të pajtohet me çdo udhëzim të nxjerr nga ZRRE-ja e për qëllim të këtij Neni.

Neni 3: Ndalimi i Subvencioneve dhe Ndër-subvencioneve

I Licencuari do të sigurojë se biznesi i furnizimit, biznesi i tregtisë dhe biznesi i tregtisë ndër kufitare nuk jep ndonjë subvencion apo ndër-subvencion (direkt ose indirekt) për, as nuk pranon ndonjë subvencion apo ndër-subvencion (direkt apo indirekt) nga njëri tjetri apo ndonjë biznes tjetër i të Licencuarit dhe/ose ndonjë Vartësi apo ndërmarrje të afërtë ose të lidhur me të Licencuarin dhe/ose ndonjë personi tjetër.

Neni 4: Ndalimi i Diskriminimit

I Licencuari do të zbuloj ZRRE-së në çdo kohë rrethanat e shitjes/blerjes së energjisë blerësve të tillë duke përfshirë (pa kufizime) volumin, faktorët e ngarkesës, kushtet e ndërprerjes si dhe datat dhe kohëzgjatjet e marrëveshjeve relevante.

Neni 5: Pajtueshmëria me Kodin e Shpërndarjes, Kodin e Rrjetit Elektrik, Kodin Matës dhe Rregullën për Kushtet e Përgjithshme të Furnizimit me Energji

1. I Licencuari do të pajtohet me dispozitat e Kodit të Shpërndarjes, Kodin e Rrjetit Elektrik dhe Kodin Matës për aq sa është e aplikueshme për të.
2. I Licencuari do të veproj në pajtim me Rregullën mbi Kushtet e Përgjithshme të Furnizimit me Energji Elektrike që është nxjerrë nga ZRRE-ja, përderisa është i aplikueshëm për bizneset e tij.
3. ZRRE, sipas kërkesës së të Licencuarit, dhe pas konsultimit me të Licencuarit, Gjeneratorët, Operatorin e Sistemit të Shpërndarjes dhe Operatorin e Sistemit të Transmisionit, mund të jap të Licencuarit një afat specifik kohor për implementimin e këtij Neni. Ky afat kohor mund të zbatohet në ato pjesë të Kodeve dhe në atë gjerësi siç precizohet me atë orar.

Neni 6: Mbrojtja dhe Siguria

1. I Licencuari do të mbaj secilin nga konsumatorët e tij të informuar për adresën postale, numrin e telefonit, numrin e faksit dhe adresën elektronike të shërbimit të kërkuar të themeluar dhe që vepron për qëllime të pranimit ta raporteve nga çdo person lidhur me ndonjë çështje apo incident që:
 - a) shkakton ose mund të shkaktojë rrezik ose kërkon vëmendje urgjente, në raport me furnizimin të energjisë elektrike; ose
 - b) dëmton, apo mund të dëmtojë sigurinë, vlefshmërinë apo kualitetin e shërbimit të Sistemit të Shpërndarjes përmes të cilit konsumatori relevant është i furnizuar me energji elektrike;
 - c) në lidhje me ndonjë ankesë tjetër të bërë nga konsumatori apo ndonjë informatë e kërkuar nga konsumatori.

2. Shërbimi i kërkuar që referohet në paragrafin 1, duhet të jetë:
 - a) i ofruar pa detyrim për konsumatorin;
 - b) i gatshëm të pranojë dhe procedojë raportet telefonike dhe hetimet për çdo ditë të çdo viti; dhe
 - c) operues jo më vonë se deri në ditën që do ta caktojë ZRRE-ja.

3. I Licencuari mund të shkarkohet nga detyrimet e paragrafit 1 duke dërguar informatën e nevojshme për secilin konsumator të vetin:
 - a) në rastin e konsumatorit të parë që fillon të furnizohet nga i Licencuari; dhe pas kësaj ose:
 - (i) kur faturat apo gjendjet në lidhje me ngarkesën e pagesës për Furnizim të energjisë elektrike i janë paraqitur konsumatorit, në baza tremujore apo më shpesh (duke qenë e mjaftueshme që informata është e përfshirë në ose me ndonjë faturë apo gjendje); ose
 - (ii) në ndonjë rast tjetër, në bazë vjetore; dhe
 - b) duke publikuar këtë informatë në atë mënyrë që të sigurojë publicitet adekuat .

5. I Licencuari do të themeloj lidhje komunikimi me Operatorin e Sistemit të Transmisionit dhe Tregut duke emëruar personin i cili në emër të tij do të komunikoj me Operatorin e Sistemit të Transmisionit dhe Operatorin e Tregut. Adresa, numri i telefonit, numri i faksit apo adresa elektronike e personit të tillë do ti sigurohet Operatorit të Sistemit të Transmisionit dhe Operatorit të Tregut.

4. I Licencuari, për aq sa është praktike, do të ndërmerr hapa për të informuar secilin konsumator të tij për çdo ndryshim të adresës, numrit të telefonit, numrit të faksit apo adresës së postës elektronike të shërbimit që i referohet paragrafit 1, para se ky ndryshim të fillojë të zbatohet.

Neni 7: Standardet e Përgjithshme dhe Minimale të Përmbushjes

1. I Licencuari do të udhëheq me aktivitete të Furnizimit/Tregtim në Kosovë në mënyrën që e konsideron më të arsyeshme dhe më të përshtatshme për të arritur standardet e përgjithshme dhe minimale të përmbushjes propozuar nga ai dhe aprovuar nga ZRRE-ja kohë pas kohe.

2. Brenda gjashtë (6) muajsh nga dhënia e licencës, i Licencuari do ta përgatisë dhe t'ia dorëzojë ZRRE-së për aprovim propozimin e përmbushjes së standardeve për ushtrimin e veprimtarisë, cili do të:
 - a) identifikojë standardet e përmbushjes së përgjithshme të cilat do të jenë të obligueshme e që janë të lidhura me biznesin e Furnizimit/Tregtimit;
 - b) paraqesë standardet minimale të përmbushjes në lidhje me çështjet specifike në të cilat do të jetë i obliguar të mbështetet kohë pas kohe e që janë të lidhura me biznesin e Furnizimit/Tregtimit, dhe
 - c) specifikojë kompensimet financiare që do t'ua caktojë konsumatorëve në rast kur standardet minimale nuk janë në përputhje me nën-paragrafin b, e që janë të lidhura me biznesin e Furnizimit/Tregtimit.

3. ZRRE-ja mund ta aprovoj shlyerjen e afatit të përcaktuar në paragrafin 2 si përgjigje në kërkesë e arsyetuar të të Licencuarit.
4. I Licencuari do të zbatojë standardet e aprovuara dhe kualitetin e shërbimit dhe do t'i propozojë ZRRE-së për aprovim procedurat e monitorimit të pajtueshmërisë së të njëjtës. I Licencuari do të veproj në pajtueshmëri me procedurat e aprovuara.
5. I Licencuari do të rishqyrtojë dhe, nëse duhet, do të propozojë ZRRE-së ndryshimet në standardet veç të miratuara dhe/ose procedurat të realizuara në përputhje me këtë Nen ashtu siç është udhëzuar nga ZRRE-ja.
6. I Licencuari do t'i sigurojë ZRRE-së jo më vonë se me 31 Mars të çdo viti raportin mbi shtrimin e veprimtarisë lidhur me standardet e performimit. Ky raport do të përfshijë aso informatash dhe analizash nëse këtë e kërkon ZRRE-ja kohë pas kohe me qëllim që të vendosë, nëse i Licencuari has apo jo në përmbushjet e përgjithshme, standardet e përmbushjes sipas këtij Neni.
7. I Licencuari me 31 Mars të çdo viti do të publikojë statistikën në mënyrën që ZRRE-ja i kërkon me qëllim të identifikimit të shtrirjes dhe kryerjes apo moskryerjes së standardeve të performancës, të vendosura sipas këtij Neni.

Neni 8: Procedurat për Zbulimin dhe Parandalimin e Vjedhjeve, Dëmtimeve dhe Ndërhyrjeve në Njehsor

1. I Licencuari do të marrë të gjitha hapat e arsyeshëm për të zbuluar dhe parandaluar:
 - a) vjedhjen e energjisë elektrike në pronat që furnizohen nga ai;
 - b) dëmtimin apo defektet në ndonjë centrali energjetik, vijë elektrike apo njehsor elektrik përmes të cilit këto prona furnizohen;
 - c) ndërhyrjen në ndonjë njehsor elektrik përmes të cilit këto prona janë furnizuar; dhe
 - d) ndonjë konsumim të paregjistruar të energjisë elektrike në pronat që furnizohen nga ai.
2. I Licencuari, sa më parë që është praktikisht e mundur, do të informojë pronarin e centralit elektrik përkatës, vijave elektrike apo njehsorit për ndonjë incident ku ai ka arsye të besojë:
 - a) se ka dëme apo defekte në ndonjë central elektrik, në vije elektrike apo njehsor; ose
 - b) se ka pasur ndërhyrje në njehsor për të ndryshuar regjistrimin e tij ose për të penguar regjistrimin ditor të sasisë së energjisë së furnizuar; ose
 - c) se konsumi i energjisë elektrike në objektet që furnizohen nga ai nuk janë regjistruar.
3. Kur i Licencuari ka arsye të besojë se ndonjë incident i raportuar tek pronari në përputhje me paragrafin 2 është shkaktuar nga akti i ndonjë personi duhet, në përputhje me kërkesat e shtruar me këtë paragraf, ti ofroj pronarit këto informata siç kërkohet në mënyrë të arsyeshme për qëllimet e hetimit të incidentit dhe të zgjedhjes së ndonjë brengje të sigurisë që mund të ngritet nga ai.
4. Në këtë Nen:

“Vjedhje e energjisë elektrike” nënkupton përdorimin e pandershëm, shpërdorimin apo diversionin e energjisë elektrike.

Neni 9: Rregullat e Tregut

1. I Licencuari do të jetë pjesëmarrës dhe do të veproj në përputhje me Rregullat e Tregut deri sa ato të jenë të aplikueshme për të.
2. ZRRE-ja mund të lëshoj udhëzime që e lirojnë të Licencuarin nga obligimet e tij nga paragrafi 1 që lidhet me ato pjesë të Rregullave të Tregut dhe në atë masë që precizohet me ato udhëzime.

Neni 10: Shëndeti dhe Siguria

1. I Licencuari do të ndërmerr të gjithë hapat e nevojshëm për të mbrojtur personat dhe pronën nga lëndimi dhe dëmtimi që mund të shkaktohen nga ai gjatë kryerjes së aktivitetit të licencuar.

Neni 11: Puna

I Licencuari do të veprojë në pajtim me të gjitha legjislacionin e aplikueshëm që lidhet me punën dhe sigurinë në punë që janë në fuqi tani ose që do të hynë në fuqi në të ardhmen.

Neni 12: Ndryshimi në Kontrollin e të Licencuarit

I Licencuari do të njoftojë ZRRE-në për ndonjë ndryshim që pritet në kontroll së paku gjashtëdhjetë (60) ditë paraprakisht. Ndryshimi në kontroll nuk do të jetë efektiv deri sa ZRRE-ja nuk e aprovon.

Neni 13: Sigurimi i Informacioneve ndaj ZRRE së

1. I Licencuari do t'i dorëzojë aso informacione dhe raporte ZRRE-së, në mënyrën dhe në afatet siç kërkohet nga ZRRE-ja, si dhe do t'i sigurojë dhe japë ato raporte që ZRRE-ja mund t'i konsiderojë të nevojshme duke marrë parasysh Nenet dhe Kushtet e kësaj licence për qëllimin e kryerjes së funksioneve që i janë caktuar ose transferuar atij sipas Nenet 29 të Rregullit për Licencimin e Aktiviteteve të Energjisë në Kosovë apo legjislacionit tjetër të aplikueshëm.
2. Informata do të përgatitet në nivel të auditimit ashtu siç mund të kërkohet nga ZRRE-ja kohë pas kohe
3. Autoriteti i ZRRE-së për të kërkuar informacion sipas paragrafit 1 nuk i cenon kompetencat e ZRRE-së që të kërkoj edhe ato informata që konsiderohen konfidenciale sipas çdo Neni apo Kushti tjetër të kësaj licence ose sipas Legjislacionit të aplikueshëm.
4. Nëse i Licencuari kërkon që ndonjë informatë të konsiderohet si konfidencial, ai ka për obligim që të shënoj informatën e tillë si konfidencial dhe të justifikon ZRRE-së këtë.
5. I Licencuari do të dërgoj ZRRE-së çdo kontratë të nënshkruar në lidhje me tregtinë ndërkufitare me energji elektrike, kontratat për furnizim, Marrëveshjet për Blerje të Energjisë

Elektrike dhe çdo kontratë të nënshkruar në pajtim me Marrëveshjen për Blerje të Energjisë Elektrike.

6. I licencuari do të dorëzojë në ZRRE raportet tremuajshe dhe vjetore mbi veprimtarinë e furnizimit/Tregtisë si dhe pajtueshmërinë me Nenet dhe kushtet e licencës e që është në përputhje me Doracakun e Raportimit të nxjerr nga ZRRE-ja.
7. I licencuari do të dërgojë ZRRE-së detalet mbi çdo ndryshim të informatave të dërguara me aplikacionin për këtë licencë.
8. Në këtë Nen:

"Informacioni" është material në çdo formë dhe pa asnjë kufizim do të përfshijë çdo kontratë, libër, dokument, regjistër, kontabilitet, llogaritje (statusore ose tjetër), vlerësim, kthim ose raport të çdo përshkrimi dhe çdo shpjegim (gojor ose me shkrim) në lidhje me këto informacione që mund të jenë kërkuar nga ZRRE-ja.

Neni 14: Arsyet për Përfundimin, Tërheqjen dhe Modifikimin e Licencës

1. ZRRE-ja mund të përfundojë këtë licencë sipas Nenit 39 të Rregullit për Licencimin e Aktiviteteve të Energjisë në Kosovë nëse obligimet e licencës mund të kryhen nga i Licencuari tjetër dhe nëse konsumatorët nuk do të vijnë në pozitë të pa lakmueshëm për shkak të përfundimit. Përfundimi i tillë mund të ndërmerret në rast të:
 - a) skadimit të afatit të licencës;
 - b) me kërkesën e ndërmarrjes së licencuar të energjisë lidhur me licencën e tij;
 - c) shpërbërjen e personit juridik që mban licencën;
 - d) pas vendimit të gjykatës me të cilin shpall falimentimin e të licencuarit apo vendimit të gjykatës për përfundimin e aktiviteteve të energjisë për shkak të shpalljes së likuiditetit të të licencuarit;
 - e) nëse aktiviteti i licencuar për energji nuk është ushtruar më shumë se gjashtë (6) muaj, përpos kur ndërprerja e aktivitetit është bërë me miratimin e ZRRE-së;
 - f) nëse janë plotësuar kushtet nga dispozitat e Nenit 44 të Rregullit për Licencimin e Aktiviteteve të Energjisë në Kosovë, dhe
 - g) nëse shuma e caktuar e tarifës nuk është paguar tridhjetë (30) ditë nga data e caktuar dhe ka mbetur e papaguar edhe për një periudhë tjetër prej tridhjetë (30) ditësh pas vërejtjes me shkrim të dhënë nga ZRRE-ja në lidhje me vonesën e pagesës me kusht që asi vërejtje nuk do të lëshohet më herët se data kur shuma është dashur të paguhet.
2. ZRRE-ja mund të tërheqë këtë licencë në rastet e paraqitura më poshtë si është përcaktuar në Nenin 44.5 të Rregullit për Licencimin e Aktiviteteve të Energjisë në Kosovë, në rast se këto detyrime të të Licencuarit do të kryhen prej një të Licencuari tjetër ose që konsumatorët nuk do të vijnë në pozitë të disfavorshëm nga kjo tërheqje:
 - a) i Licencuari nuk i plotëson apo bën shkeljen e Neneve, Kushteve apo obligimet nga licenca, dhe se ai mosplotësim apo shkelje nuk është ndrequr brenda afatit të caktuar nga ZRRE, apo ka dëmtuar seriozisht kualitetin, sigurinë dhe seriozitetin e shërbimit që përndryshe i Licencuari ishte i obliguar ta ofroj;
 - b) nëse gjatë monitorimit të licencës nga ZRRE gjenden dështime në përmbushjen e

kërkesave administrative dhe se ato dështime nuk janë eliminuar brenda afatit të caktuar nga ZRRE;

- c) i Licencuari ka prezantuar informata materiale false në bazë të të cilave është dhënë licenca.
3. Në pajtim me Nenin 35 të Rregullit për Liçencimin e Aktiviteteve të Energjisë në Kosovë ZRRE mund ta modifikoj këtë licencë në rastet si në vijim:
- a) me kërkesën e të Licencuarit;
 - b) kur kërkohet të mbrohet sistemi energjetik në Kosovë, në lidhje me sigurinë e furnizimit, sigurinë e jetës dhe shëndetit të qytetarëve, ose mbrojtjen e ambientit;
 - c) në mënyrë që t'u plotësohen kërkesat e reja të paraqitura në marrëveshjet ndërkombëtare, ligjet vendore, rregulloret dhe legjislacionin tjetër të aplikueshëm;
 - d) si sanksion për shkeljen e kushteve dhe konditave të licencës, sipas Nenit 44 të Rregullit për Liçencimin e Aktiviteteve të Energjisë në Kosovë.

Neni 15: Taksat

1. I Licencuari do t'i paguajë ZRRE-së çdo taksë fillestare dhe vjetore të caktuar sipas Pasqyrës së Taksave, të nxjerrë dhe miratuar nga ZRRE-ja.
2. Taksa fillestare do të paguhet bazuar në kapacitetin të kërkuar nga Aplikati sipas Pjesës I, Nenit 3 të kësaj licence bazuar Shtojcës A nga Pasqyra e Taksave.
3. Mos pagesa e kontributeve vjetore dhe taksave me datat e caktuara në Pasqyrën e Taksave mund të qoj deri të tërheqja e licencës.

Neni 16: Masat dhe Gjobat Administrative

1. Në rast shkeljeje të dispozitave të legjislacionit, Neneve apo kushteve të kësaj Licence apo instruksioneve dhënë të Licencuarit nga ana e ZRRE-së, ZRRE-ja ka kompetenca që sipas Nenit 56.2 të Ligjit për Rregullatorin e Energjisë dhe Rregullit për Masat dhe Gjobat Administrative ose ta parandaloj të Licencuarin që ti përsëris veprimet ilegale apo në rast se veprimi është ndalur, ZRRE mund të lëshoj vendim me të cilin kërkohet që të ndërmerren veprime konkrete apo ta ngarkoj me gjoba administrative të licencuarin dhe/apo anëtarin e Bordit të Drejtorëve dhe/apo ekzekutivin e saj.
2. Para se të jepet gjoba ZRRE do të lëshoj të Licencuarit një njoftim mbi shkeljet e bëra dhe do të ofroj mundësi që brenda katërmëdhjetë (14) ditësh nga data e pranimit të njoftimit të përgjigjet me shkrim për të përmirësuar shkeljen.
3. Gjoba do të caktohet në pajtim me Nenin 57 të Ligjit për Rregullatorin e Energjisë dhe Rregullin për Gjobat dhe Masat Administrative.
4. Shuma e gjobës do të vlerësohet në pajtim me Rregullin për Masat dhe Gjobat Administrative. Sidoqoftë nëse gjoba nga paragrafi 3 i ngarkohet të Licencuarit ajo nuk mund ta tejkaloj 15% e të ardhurat nga veprimtaria e ushtruar sipas kësaj licence në vitin financiar paraprak
5. Nëse gjoba nga paragrafi 3 i është ngarkuar anëtarit të Bordit të Drejtorëve apo

ekzekutivit të të Licencuarit ajo nuk duhet të tejkaloj 300% e pagës mujore që ai person ka pranuar nga i Licencuari.

6. Në rast të përsëritjes së shkeljes, gjoba e ngarkuar mund të jetë 3 herë më e lartë se shuma e autorizuar me paragrafin 4 apo 5.
7. Kur të vë një gjobë, në përputhje me këtë Nen, ZRRE-ja duhet të ketë parasysh shkallën e dëmtimit të shoqërisë nga ai veprim, sjelljen e mëparshme të të Licencuarit apo personit në fjalë, dhe gjendjen financiare të të Licencuarit dhe personit në fjalë.
8. Nëse gjoba e ngarkuar nga ZRRE-ja nuk është paguar, ZRRE do të inicioj procedurën gjyqësore për të marr gjobën si borxh civil.

Neni 17: Zgjidhja e Kontesteve

1. Çdo kontest që paraqitet apo është në lidhje me aktivitetet e licencuara do të zgjidhet në përputhje me Rregullën për Procedurat e Zgjedhjes së Kontesteve në Sektorin e Energjisë të nxjerrë nga ZRRE-ja.
2. Vendimet e ZRRE-së në lidhje me modifikimin, tërheqjen apo përfundimin e licencës, si dhe vendimet lidhur me gjobat si rezultat i shkeljeve të kushteve të licencës apo shkeljes së ligjeve të aplikueshme, mund të apeloher nga i Licencuari në gjykatën kompetente.